



~~11-58~~ EX BIBLIOTH.
NATIONIS HUNGAR.
VITEBERG.

11-58

SIGNAT. clvccccxiii.

41
I. N. J.
PTOLEMÆUS
GEOGRAPHORUM inter Græcos
MONARCHA;

Et, quod Is
solenter à Se excultum,
Posteritati ingeniosæ ulterius excolendum
tradidit,

STUDIUM GEOGRAPHICUM;
Exercitiis Rhetoricis,

ad D. XXVII. Augusti,
Horis ab 11X. Antemeridianis,

in Gymnasio Magdalenæo
commendabuntur.



VRATISLAVIÆ exprimebat
BAUMANNUS.



LECTORIBUS,
GEOGRAPHICÆ SCIENTIÆ

Fautoribus,
Salutem ab Eo,

Qui Mare, qui Terras, qui totum Temperat Orbem!

Quod Disciplinarum, in numerando, & dimetiendo Rerum Naturalium Corpora, occupatarum, Studia, prudenti veterum Sapientum, præsertim Græcorum, Instituto, Juventuti studiosæ, à primò Institutionis limite proposita, & hinc Matheseos, à discendo Nomen, quasi ante alias omnes discenda, consecuta fuerint, ex multis Antiquitatis eruditæ Documentis hodieq; licet cognoscere. Nihil aliud suo illo, *ἡμῶν καὶ βῆμα*, quod in Ore frequenter habuerunt, Pythagoræi indicârunt, quam quod per Schemata & figuras Mathematicorum, ad superiora Doctrinarum Studia, cum è Suggestu discenda velocitèr, tum de Suggestu docenda feliciter, ascendendum esse arbitrarentur. Nihil aliud innuit divini, quem sic vocant, Platonis Symbolum, quod foribus Scholæ suæ inscribi voluit: *ἄνευ μαθηματικῆς οὐδεὶς εἰσέλθτω*. Geometriæ imperitus nemo ingreditor. Nimirum in eâ fuere Sententiâ Sapientissimi Viri, quod, cum solâ Recor-
datione opus haberent hæc studia, & omnia Oculis fideli-

ter

tèr subjicerent; utraq; verò vis Animi, & imprimendi vi-
sa, & recordandi, in primâ etate, vigeret cum primis; fa-
ciliiori Modò ad hoc, quàm ad aliud Doctrinæ Genus, ad-
duci fuventus posset. Quo etiàm effici dixerunt, ut Mens
adhuc purior, & sincerior, Inscitiæ ærugine exuta, ad su-
blimia tolli maturè adsuescat, & affecta mirificè, ea, quæ
Mentem acuant, cognoscendi Voluptate, acutior per hæc
Studia, magisq; docilis reddatur, immò à terrenis Volu-
ptatibus avulsa, quæ Mores, Vitæq; Actiones, ad Exem-
plar Cæli efformetur. Nec caruit Res hæc Experimen-
to: sed quòvis Ævò sat comprobatum Exemplis est, ex-
cellentissima extitisse Ingenia, quibus volupe fuit, in Ma-
thematicis Disciplinis, aut tractandis, aut quantum
in Se fuit, per alios provehendis, Studium suum occupare.
Ut verò amplò sese spatio extendunt Illæ, & divina Ma-
thesis, tanquàm fecunda Mater, numero plures ex se
genuit Filias; quæ Sororiò quodam Vinculò invicem con-
stringuntur, & suò quæq; locò suam Sibi, honestæ Fama
Laudem, integram atq; illibatam servant: sic nulla ex illis
est, quæ inter Mortales, Cultu dignior, Dignitate po-
tior, & Usu prior habita sit, quàm Astronomiæ admi-
niculis usa GEOGRAPHIA. Istam enim qui coluere di-
ligentiùs, vero simile fit, illius non fuisse imperitos: nec
qui ab illâ instructi fuerunt, hujus ignaros: cum altera al-
terius Opem poscens, amicè conjurent, & accuratior Or-
bis terreni Situs, omnium ferè Sectionum ratione, ad Cæ-
li partes referatur.

Quantus autem, proh fidem hominum! quantus eo-

A 2

rum

rum Numerus futurus, si à primò, quod dicitur, Orò
recenseri deberent, qui Geographici Studii Amore
capti, dignissimum illud omni Studiò, omni Cultu habue-
runt. Quà Semi sese Prosapia, quà Chami, quà Ja-
pheti dissemínarunt; si vetus Opinio vera est, quod illi
Asia, Isti Africa, huic Europa, post universalem illum
Mundi Cataclysmum, ceserint; non defuerunt olim,
multò minùs hodiè desunt, qui Orbem istum, quem cum Ma-
ri, Fluminibus, Paludibusq̃, continens Terra constituit, per-
lustrarunt sollicitè, & aut Ipsi descripsérunt, aut ab ali-
is describi, magnificis Sumptibus curárun. Certè inter
primas Eorum Curas, qui à Deo proximi in Terris habentur
innumeris retrò antè Seculis fuit; ut noscerent Orbem,
& quæ Loca vel Ipsi Profectioibus peragrassent, vel
Victoriis subegissent, ea Tabulis descripta apud se ha-
berent, additis Regionum Nominibus, atq; aliis eti-
am inspicienda proponerent: uti ex omni Antiquitate
observavit Clarif. P. Bertius Beverus, in Prefatione,
quàm in Theatrum Geographiæ veteris, quo Ptole-
mæum Nostrum, & in Eundem Mercatoris Annotatio-
nes exhibet emendatissimè, sub Auspiciò Christianissimi
Regis, Anno 1618. editum, disertè conscripsit. Nolo a-
ctum agere, & hic prolixum texere Catalogum, tum Re-
gum & Impp., quibus volupè fuit, ut Propertius canit,
— E Tabulâ pictos ediscere Mundos; tum Geo-
graphorum ex Graciâ & Latio plurium, quàm unquam
credat Antiquitatum incurios⁹: qui aut Oratione continuâ,
nullis accedentibus Picturæ Lineamentis, aut Picturâ tan-
tum

tum, aut deniq; Oratione junctim & Picturâ, cognita Sibi
Terræ ambitum descripserunt: cum id inibi, à peritisimo
talium Viro, præstitum sit fidelissimè.

Memorabilis est, quem ex Herodoto, Patre Hi-
storiæ, ejusq; nominatim Terpsichore, (Lib. V.) Locum al-
legat. Aristagoram narrat Milesium, qui Dario impe-
rante Tyrannus in Patriâ suâ fuit, profectû Spartam,
Auctorem Cleomeni Spartanorum Regi fuisse, ut
collectis Copiis Expeditionem in Asiam susciperet:
producto in eam Rem Pinace æreo, in quo totius Ter-
ræ ambitus erat descriptus, cum omni Mari, & uni-
versis Fluminibus. In eâ verò Tabulâ, narrat Hero-
dotus, ipsum varia Loca sic designasse: His Jonibus,
inquit, eccè hi Lydi confines sunt; his verò Lydis, hi
Phryges, Phrygib⁹ verò istis Cappadoces: quibus am-
termini sunt isti Cilices, istius eccè Maris accolæ, in
quo hæc Insula Cyprus sita est, quæ Tributum annu-
um Dario pendit, quinquaginta Talenta. His Cili-
cibus finiti sunt isti Armenii: & quæ præterea apud He-
rodotum leguntur. Quod Exemplum etiâ Alexandrum
M. observasse Patroclus scribit, Teste Strabone, (Lib. II.
Geogr.) & accuratè omnia indagasse, cum ei Regionum
Descriptionès à peritis traderentur. Julium Cæsarem
idem non neglexisse, satis superq; docent literatissimi Prin-
cipis Commentarii, quos interspersa rerum Geographi-
carum insigni memoriâ passim illustravit. Antecessorem
hunc in Imperio laudatissimum, non minori Laude Augu-
stus augustissimus imitatus est tam feliciter, ut confirmato

Imperio Geographiæ Studiò adjutus, Italiam in Regiones
distribueret, diversam a Cesare Gallia divisionem institu-
eret, totum Orbem describeret. A quò tempore post Au-
gustum, in Romano Imperiò, eadem semper servata est Ra-
tio, idem Mos duravit perpetuò, ut usitata Pinacogra-
phiæ, seu in Tabulis Terrarum Situs pingendi Consue-
tudo vigeret.

Collapsò, aut certè miserè distractò Imperio, qui Studia
Literarum unà intercidisse, & ab immani Barbarie ferè
oppresca non nescit, idem Geographiæ accidisse memine-
rit. Boëthium tamen, Virum, cui elegantiores Musæ o-
mnem suum favorem tradiderant, in quinto à B. Virginis
partu Seculo, intelligimus, omnium Mathematicarum Ar-
tium Copià instructum, hanc partem non neglexisse; &
Cassiodorū, desertā vitā civili, Monachū factum, Libro,
quem scripsit de divinis Lectionibus, Autorem extitisse iis,
qui Sacris dant operam, ut Geographiæ quoq; Studium, à
studio suo alienū non censerent. Post hæc, quæ Fata habuerit
nobilissima Disciplinarū, præsertim in Germaniā, ferè horre-
scat referre, horrescat legere, cui Literarum Humanitas po-
litiior Cordi est. Nihil est quod Metio Pomposiano, apud
Domitianū Tyrannū Necis Causa extitit Geographia.
Creditus enim est Imperium affectasse, quod Orbem Terræ
depictum in Membranis secum circumgestasset. (Xiphili-
lin. in Domitian.) Hoc dolendum, quod circa An. Chr.
745. cultu dignissimæ hujus Scientiæ Ignorantia in tantam
excrevit Barbariem, ut Virgilius, Episcopus Salisburgen-
sis, quod Geographiæ Cognitione imbutus, Antipodes re-

verā

verà dari statuisset, à Bonifaciò Episcopo Moguntino, coram Pontifice Romano Zacharià, hæreseos accusaretur, immò Re tandem ad Regem Bohemiæ delatâ, Et indè Appellatione ad Pontificem factâ, hæreseos omninò damnaretur: quemadmodum Aventinus, Annalium Bojorum summæ fidei Conditor (Libr. 3.) refert.

Clementius cum eâ, Ejusq; Cultoribus actum, quando Seculo ponè secuto, Carolus M., quando duodecimo deindè Fridericus II. Rerum potiti sunt; optimè omnium, quando Maximiliani I. Et Caroli V. gloriosissimæ Memoræ Imperatorum Temporibus, factâ ad priorem Notitiam, ingenti Accessione Orbis antea incogniti, mirificè excitati sunt Viri ingeniosissimi, ut in Orbis Terrarum Partibus pergrandis, in Chorographiis scribendis, pingendisq; nulli operæ, nulli, vel inexhausto Labori, nullis Sumptibus parcerent. Ex Caroli M. Testamento (quod Ann. Christi 811. conditum Eginhardus edidit;) cognoscimus, Eum, præter quartam auream, tres reliquisse argenteas Mensas: Geographiæ egregiis Speciminibus insignes. Una, formâ quadrangulâ, Descriptionē Urbis Constantinopolitanæ; altera, formâ rotundâ Romanæ Urbis effigiem; tertia, cæteris Et operis Pulchritudine, et ponderis Gravitate multum excellens, ex tribus Orbib⁹ connexa, totius Mundi Descriptionem subtili ac minutâ figuratone continuit. Egregia sanè, Et tantò Principe digna Studiæ Geographici Specimina! Digna quoq; Majestate summâ, quæ in vertendis ex Græco, Et Saracenicò Idiomaticè Astronomiæ, Et Geographiæ, præsertim Ptolemæi vetustis Monumentis, Magnificentiæ Documenta, Fridericus I. Et hunc secuti alii Impp. Et Reges,

ges, summâ cum Gloriâ Nominis sui, designârunt. Dignum gloriosâ de prædicatione Studium, quod Carolus V. à gravissimis Imperii Curis Animum relaxaturus, in Geographiâ colendâ posuit: cum non solum Horologiis artificiosè describendis Heroicum Animum intenderet; sed & in quærendâ Regionum Longitudine, & Latitudine, quas Geographi vocant, in Stellis ad Regionum Situs conferendis, diligentissimus esset, ut navigans, Cœli Contuitu, Cursum dirigere posset. Quid dignius dici, & gloriosius de Studiô Geographico potest, quàm defessos tantorum Imperatorum Animos, Eo esse tantoperè recreatos; omni ævô, quod aut jam cultum Literis, aut iis excolendum mox fuerat, Principes in Republ. Sagatâ pariter & Togata Viros, Eo mirificè delectatos? Quid futurum censeamus si hodiè in Vivis illis esse liceret, & quantô Labore Majorum Industria in hoc Studiô victa sit, contemplari: ubi non saltem Pinacographia, quæ Tabulis in plano exhibitis Terrarum Partes delineat, multò cultior habetur, & elegantior; sed & ad Constitutionem cœlestem longè accuratior, quàm unquam visa est, Sphærographia, Sphæræ Orbem universum representantis Positio, accessit; ubi ad cognitum Veteribus Orbem

Addidit Oceanus Pariam, Chilenq; Peruq;
 Trusaq; in immensos Æquora tota Sinus;
 Guianæq; Damos, dorsisq; immanibus Andes,
 Victaq; jam nostrâ Littora vasta Manu:
 sicut inter ejusdem Materie Meditationes cecinit Clarissimus Barleus, (p. 499. Poëmatum in 12. edit.) Admiranda

randa sanè sunt Opera, Abr. Ortelii Theatrum Orbis, sub auspicio Philippi II. Hispaniarum Regis superioribus Annis evulgatum, & unanimum applausu Orbis universi exceptum: Atlas seu Cosmographicae Meditationes de Fabrica Mundi & fabricati Figurâ, Opus non unius Anni, nec Hominis, & Vitæ: quod Gerhardus Mercator Rupelmundensis Belga, primus instituit: quod, cum Is labori suo, velut Apelles Veneri, immoreretur, & imperfectum relinqueret, magno ære redemptum Judocus Hondius Wackenenensis absolvit: quod Guilielmus Blaeuvv seu Cæsius, artificiosè interpolatum, Appendice auxit; tandem, Anno ab hinc septimo, cum Johanne Fratre, novo vultu conspicuum exhibuit, & in Æternitatis Templo consecravit. Dilucet hinc, tanquam è plano, non esse ex Mathematicis Disciplinis ullam, quæ cum Geographiâ Cultu, & Dignitate, quâ omni ferè ævo reliquis potior fuit, in contentionem venire audeat.

Priorem etiam Usu dixi. Et de hoc constare ex jam dictis posset, nisi fuventutis informandæ gratiâ consultum ducerem, uno atq; altero præcipui Autoris Loco, quod assertum est, confirmare: ut tantò dilucidius appareat, quid Belli, quid Pacis, quid Utriusq; tempore, Geographici Studii Cultura, ex sese Usûs præbere valeat; nempe tantum, quantum reliquæ ejus Sorores nunquam præbent. De Bello sic Fl. Vegetius, Vir illustris, bellicæ Disciplinæ sub Valentiniano Scriptor: omni cura, inquit, omniq; diligentia providere debet Dux, nè proficiscens patiatur incursum; sed facilè & sine damno repellat illatum.

B

Primum

Primum Itineraria omnium Regionum, in quibus Bellum geritur, plenissime debet habere perscripta, ita ut Locorum Intervalla non solum passuum numero; sed etiam Viarum qualitate perdiscat. Compendia, Diverticula, Montes, Flumina, ad fidem descripta consideret: usque eò, ut solertiores Duces Itineraria Provinciarum, in quibus necessitas geritur, non tantum adnotata, sed etiam picta habuisse firmentur, ut non solum consilio Mentis, verum ad spectu quoque Oculorum Viam profecturis eligerent. *Audimus, quid usus in Bello Geographiæ tribuatur. Verè tribuitur, & hoc Vegetij Præceptum hodieque ex usu esse prælustribus Belli Ducibus, universa Germania nostra, proh dolor! satis experta est. De Pace Eumenium, celebrem Panegyristam audiamus, qui sub Maximiniano Præsidem Galliarum alloquens; Videt, inquit, in illis Porticibus (ubi pro more Temporum, Geographica inscripta erant;) Juvenrus, & quotidie spectat omnes Terras, & cuncta maria, & quicquid invictissimi Principes Urbium, Gentium, Nationum, aut Virtute devincunt, aut Terrore. Siquidem illic (ut ipse vidisti) credo instituendæ Pueritiæ causâ, quo manifestius Oculis discerentur, quæ difficilius percipiuntur auditu, omnium cum Nominibus suis Locorum situs, spacia, intervalla descripta sunt: quicquid ubique Fluminum oritur & conditur, quacunq; se Littorum situs flectunt, quo ve ambitu cingit orbem, vel irrumpit Oceanus. Ibi fortissimorum Imperatorum pulcherrimæ res gestæ, per diver-*

sa Re-

sa Regionum argumenta revolvuntur, dum calentibus, semperq; venientibus Victoriarum Nunciis revisuntur Peridos Flumina, & Libyæ arva siccentia, & convexa Rheni cornua, & Nili ora multifida. Sane nemo Nostrum diffitetur, se magis moveri Animo, si videat ea Loca, in quibus Memoriam dignos Viros accepit versatos, quam si quando Eorum ipsorum aut facta audiat aut scriptum aliquod legat. Animus jucundè peregrinatur, quando totius Orbis Regiones exspatiantibus oculis, in exigua Charta pererrat, ac, ut de Æneâ suo Parthenias cecinit:

— Miratur, Rerumq; ignarus Imagine gaudet. Ità verò gaudet, ut in utroq; Rerum statu, Terræ, Hospitii sui, & sui ipsius Hospes non ignarus, cum Romano Sapiente sæpius exclamet: O quàm ridiculi sunt Mortalium Termini! Punctum est, quod inter tot Gentes, ferro & igne dividitur. Punctum est, (ut pulcherrima Plinii verba hinc mea faciam) ubi Materiam Gloriae suæ, ubi sedem multi statuunt, ubi honores gerunt, ubi exercent Imperia, ubi Opes cupiunt; ubi tumultuatur humanum Genus, ubi instaurat Bella, etiam civilia, mutuisq; cædibus laxiorem facit Terram; ubi alius conterminos pellit, furtoq; vicini cespitem suo Loco affodit: quanquam, qui latissima rura metatus fuerit, utraq; fines egerit accolæ, minimam Terrarum parte gaudeat: vel cum ad mensuram Avaritiæ suæ propagaverit, exiguam tandem Portionem ejus defunctus obtineat. In tam prudenti consideratione Geographici Studii ultimam Metam figenti, qui potest in hoc Orbe Terrarum, quantus quantus sit, quicquam vi-

deri magnum, & tantopere expetendum? qui potest quis
adherere Animo, ad Sublimia factò, huic Glebæ? Cogitat
quidem, & in honorem Conditoris, gratus agnoscit, & præ-
dicat hujus suæ Habitationis, & sibi ad tempus concessæ,
Gloriam: sed memor vanitatis, sic hanc Terræ Orbitam
intuetur, ut eâ relictâ, ad altiora, ac æternum duratura,
ad Patriam Piorum, ad Cœlum, viam & cursum omnem
quotidiè dirigat O felix, ô utile Studium, quod eò ducit!
Et hæc, cum inter Lectiones Geographicas, quas
hactenùs mihi injunxit publicè Officii Ratio, subindè
mihi obversarentur Animo; eligendum verò eodem hoc
Mense Thema esset, quod Actui publico, & in eo exer-
cendis Alumnis Cortis nostræ præscriberetur: misso hæc
vice Panætio, quem in Moralibus Præceptis, & officiis
vitæ inculcandis adhuc ut plurimum secutus sum; Pto-
lemæum in Scenam producendum duxi, & ut Monar-
cham Geographorum sistendum. Meretur hunc
Honoris Titulum, & refert apud omnes, qui Geo-
graphiæ adyta penetrant: non quod primus omnium
in hoc Studio excelluerit: sub Antonino enim Imp. Ann.
demum 150. à Christo nato floruit, & Anaximandrum
atq; Hecatæum Milesios, Aristotelem, Theophrastum
Eresium, Eratosthenem, Serapionem & Hipparchum,
Polybium, Dionysium Afrum, Strabonem, Pomponi-
um Melam, Plinium, Solinum Avienum, Julium
Fir.

Firmicum, Marinum, alios, magni etiam Nominis Viros, sese antiquiores habuit: sed quod totam Geographiam, ad cæli Positionem directam, primus edidit, non modò Gradus Longitudinis & Latitudinis, sed & Graduum singulorum Scrupulos secutus. Ab errore omni quanquam immunis non fuit; & Loca quædam aliter descripsit, quam reverà sita sunt: ut est facilis in talibus Lapsus: certum tamen manet, Scientiam, quam prodidit, veram esse, ut, qui illam exactè sequatur, non tantùm Locorum quorumcunq; Positiones certas invenire ac describere; sed etiam ipsos Ptolemæi errores deprehendere, ac corrigere facile possit. Hujus itaq; præprimis Laudes, & cum Eo universi Studii Geographici prædicabunt nostri Discipuli, Geographicorum hætenus Auditores, quos cras, Deo dante, ad declamandum producam.

Quos, ut Præsentia vestra Spectatissimâ Phrontisterion nostrum hæc novâ vice, sicut veteri multâ fecistis, non dedignaturi, benevolè audiatis, VOS VIRI Magni, Docti, Boni, Domini, Patroni, Fautores & Amici, omni Observantiâ suspiciendi, Honore prosequendi, Amore complectendi, etiam atq; etiam rogo, & obsecro. Satis digna quidem vestris, acri Aceto lotis Auribus non proferent: id quod ultrò

fatemur, Tenuitatis & Imperitiæ nostræ nobis probè
consci: sed tamen speramus fore, ut in hoc etiam Studio,
quantum licet, præstandi Voluntatem; in bonis Artibus
quibuscunq; proficiendi Desiderium; Reipublicæ in-
serviendi, & Vobis hoc nomine placendi Studium,
non improbetis; sed Favore, & Patrocinio exoptato
provehatis. Adhæc, in dimetiendis Terrarum
Locis, Geographiam versari, nostro loco memores,
Temporis quoq; spacium, quod Exercitiis talibus tri-
butum clepsammidion nobis justè admetitur, non ex-
cedemus: eò verò Studium nostrum omne impende-
mus, ut pro Benevolentia, Favoris, & Amoris ve-
stri, toties exhibito Beneficio, Observantia, Cultûs,
Obsequii, & Studiorum omne Officium,

ὅμως ἐπὶ γῆν τε, ὑπὲρ εὐρέα νῶτα θαλάσσης,
id est, Terrâ, Mariq;, quoties & quanta facultas
erit, admetiamur. Et cum publicarum Rerum Sta-
tus, Terrâ, Mariq; adhuc, proh dolor! ita compa-
ratus sit, ut cum Poëtâ Romano Germani exclamare
habeamus:

Heu! quantum potuit Pelagi, Terræq; parari

Hoc, quem civiles hauserunt sanguine dextræ?

intimâ

*intimâ Animorum devotione, Deum Opt. Max.
Terræ, Marisq; Conditorem, Diribitorem, Direc-
torem, noctesq; diesq; devenerabimur, ut, quâ Chri-
stianus patet Orbis, Terrâ, Mariq; tandem Pax
Salutaris constituatur. Vobis etiam Omnibus
& Singulis, ante Mare & Terras qui fuit, omnia
fausta, felicia, & fortunata, Domi, Forisq;, Ter-
râ, Mariq;, evenire jubeat,*

*Dum Vos Terra feret, dum Mare volvet Aquas!
P. P. Uratislavia d. XXVI. Augusti, quando
A. Er. Apolytrosios c. Is CXLVIII.*

M. Valentinus Kleinwechterus
Gymnasi Magdalen. Profesfor,
& Conrector.

Dicent,

I. Exorsuri,

1. Laudando dicendi Materiam, ex Psalmo XXIV. Johannes Christianus Halmannus Vratislaviensis.

2. Rogando

1. DEUM, benignam Gratiam, Johannes Adamus à Dambrowka.

2. HOMINES, benevolam Audientiam, Carolus Henricus à Wyrbsky.

II. Commendaturi

1. Personam, Ptolemæum Geographum, Balthasar Krockisus Breg.

2. Rem, Geographicum Studium, ex Locis

1. Separatis, iisq;

1. Adjunctis, & his

1. Receptis,

1. Dignitate, Christophorus Wernerus, Franc.

2. Utilitate, Augustinus Feigius Goldbergens.

2. Occupatis, excellentioribus omni ævo Viris, David Godofredus Arnoldi Mega-Tschirnens.

2. Causis internis, Materiali & Formali, in Exercitio Dialogistico, in quo Collocutores futuri

1. Informandus, Christianus Lobenschos Vratisl.

2. Informaturus, Paulus Hofmannus Vratislav.

2. Congregatis pluribus, in Carmine, Godofredus Kirstenius Berolstadiensis.

III. Peroraturi,

1. Hortando Condiscipulos ad Studii hujus Culturam, Carmine de Tab. Geographicis B. Philippi Libr. 2. Poemat. Christianus Hülse, Laubâ Lusatus.

2. Gratias agendo

1. Auditoribus, pro benevolâ Audientiâ, Dietericus à Wardeck.

2. DEO, pro mirandâ circa bonas Artes Providentiâ, Godofredus Friderici Vratislaviensis.

T. Θ. Δ.

Ung. VI 58 (10)

ULB Halle 3
002 686 287




Sb,

VD 17
Sep. 2000 Pd.







B.I.G.

Farbkarte #13

41

J.
MÆUS
 inter Græcos
 CHA;
 Is
 cultum,
 erius excolendum
GRAPHICUM;
 etoricis,
 I. Augusti,
 meridianis,
 agdalenæo
 untur.
 exprimebat
 NUS.

